

Denov tadbirkorlik va pedagogika instituti Aniq va tabiiy fanlar fakulteti
“Umumiy fizika va qurilish muhandisligi” kafedrasining 28. 11.2024 yil dagi
o‘tkazilgan yig‘ilishi
№ 9- sonli bayonnomasidan

KO‘CHIRMA

Qatnashdilar: “Umumiy fizika va qurilish muhandisligi” kafedrası mudiri va professor-o‘qituvchilari.

1. Kafedra o‘qituvchisi A.Dursoatovning 2 (ikki) soatlik ochiq darsi muhokamasi to‘g‘risida.

ESHITILDI: Yig‘ilishni “Umumiy fizika va qurilish muhandisligi” kafedrası o‘qituvchisi Sh.Zamonova kirish so‘zi bilan ochib, kafedra o‘qituvchisi A.Dursoatovning 2-kurs 5f-2023 guruh talabalariga Elektr va magnetizm fanidan “Elektromagnit induksiya hodisasiga doir masalalar yechish” mavzusida o‘tkazilgan ochiq darsida qatnashgan barcha professor-o‘qituvchilarga o‘z minnatdorchiligini bildirdi. Ochiq darsda fakultetning 4 nafar professor-o‘qituvchilari ishtirok etganligini ta’kidlab ularga fikr-mulohazalarni bildirish uchun so‘z berdi.

Fozil To‘raxonov so‘zi (“Umumiy fizika va qurilish muhandisligi” kafedrası mudiri): - ochiq darsini stajyor-o‘qituvchisi A.Dursoatov tomonidan tashkil qilinishi menga juda yoqdi. O‘qituvchining bilim darajasi yetarli ekanligi sezilib turibdi. Darsda o‘zini tutishi, talabalar bilan savol – javob tarzida dars o‘tish uslubidan foydalanishi hozirgi yangi pedagogik texnologiya elementlarini qo‘llayotganligidan dalolat berib turibdi. So‘z nutqi ravon va juda sodda bo‘lishi bilan aytilayotgan fikrlar talabalarga yetib bormoqda. O‘qituvchi darsdan ko‘zlangan maqsadga erisha oldi deb o‘ylayman va namunali deb baholayman.

Kibriyo Pardayeva so‘zi (“Umumiy fizika va qurilish muhandisligi” kafedrası o‘qituvchisi): - “Elektr va magnetizm fanidan “Elektromagnit induksiya hodisasiga doir masalalar yechish” mavzusidagi 2 (ikki) soatlik ochiq darsining yutuqlari albatta ko‘p, o‘qituvchining darsga tayyorgarligi ko‘rinib turibdi. Amaliy mashg‘ulotni o‘tishda o‘qituvchi A.Dursoatov formulalarni keltirib, chiqarib berdi. Mavzuni taqdimotlar bilan tushuntirdi O‘qituvchining nutq madaniyati, so‘zlarni to‘g‘ri talaffuz qilishi yaxshi, darsning reglamenti to‘g‘ri taqsimlandi, talabalarga savollar berish orqali auiditoriyanı muloqotga keltirdi. Darsning ikkinchi rejasidan boshlab o‘qituvchi so‘z ohangini, mimikalarini juda yaxshi olib bordi Agar dars boshidan shu ruxda olib borsa maqsadga muvofiq bo‘lardı. O‘tilgan darsni namunali deb baholayman.

Yo‘ldoshev Azizbek so‘zi (“Umumiy fizika va qurilish muhandisligi” kafedrası stajyor-o‘qituvchisi) : - o‘qituvchi o‘zini erkin tuta oldi, har bir rejaga

to'xtalib ko'proq materiallar va tushunchalar berdi, texnik vositalar va doskadan unumli foydalandi. Auditoriya bilan aloqa yaxshi yo'lga qo'yildi. Talabalarning ismi sharifini aytib turishi maqsadga muvofiq bo'ldi. Talabalarga savollar bilan murojaat qilinib, amaliy mashg'ulot darsi namunali o'tildi. Berilgan rejadagi amaliy mashg'ulotni yangi pedagogik metodlardan va AKT dan unumli foydalangan holda ravon va aniq tushuntirdi va talabalarga har bir reja asosida qisqa yozdirdi.

Shundan so'ng ochiq dars o'tgan o'qituvchi A.Dursoatov so'z berildi. O'qituvchi ochiq darsida ishtirok etgan professor-o'qituvchilarga o'z minnatdorchiligini bildirdi va muhokamada ishtirok etgan professor-o'qituvchilar tomonidan bildirilgan fikrlarni keyingi pedagogik faoliyatida albatta e'tiborga olishini ta'kidladi.

Yuqoridagi fikr va mulohazalardan kelib chiqib yig'ilish qaror qiladi:

1. Professor-o'qituvchilar tomonidan ko'rsatib o'tilgan ma'lumotlar axborot uchun qabul qilinsin.
2. "Umumiy fizika va qurilish muhandisligi" kafedrası o'qituvchisi A.Dursoatovning o'tgan ochiq darsi namunali deb baholansin.

Yig'ilish raisi:

Kotib:



F.To'raxonov

Sh.Zamonova